

Արտաբյուջետային միջոցների հաշվին «Ներկայացուցչական ծախսեր» հոդվածով 2017-2018թթ. նախատեսվել է յուրաքանչյուր տարի 22,000.0 հազ. դրամ: Փաստացի ծախսը 2017թ. կազմել է 9,413.6 հազ. դրամ, իսկ 2018թ.՝ 6,584.8 հազ.դրամ:

Հաշվեքննության ընթացքում պարզվել է, որ կատարվել են ծախսեր, որոնք ըստ էության իրենց բնույթով չեն կարող համարվել ներկայացուցչական ծախսեր: Մասնավորապես՝

2017-2018թթ. «Ներկայացուցչական ծախսեր» հոդվածով բյուջետային և արտաբյուջետային միջոցների հաշվին իրականացվել է 4,367.6 հազ. դրամի ծախս, որոնք ըստ էության չեն կարող համարվել ներկայացուցչական:

- 2017-2018թթ. ձեռք է բերվել՝ 670.0 հազ. դրամի ծաղկեպսակ, 2,022.0 հազ. դրամի աղբյուրի ջուր, 2017թ. մայրության և գեղեցկության տոնի առթիվ՝ սուրճի ընդմիջում՝ 194.0 հազ. դրամ, 2018թ.՝ Նոր տարվա տոնի առթիվ միջոցառում՝ 626.0 հազ.դրամ: Ընդհանուր կատարվել է 3,512.0 հազ. դրամի ըստ էության

ներկայացուցչական չհամարվող ծախս:

- 2018թ. հուլիսի 23-24-ը Արցախի Հանրապետություն կատարած նախարարի գլխավորած պատվիրակության ծախսերը (414.6 հազ. դրամ) ևս կատարվել է արտաբյուջետային միջոցների ներկայացուցչական ծախսերի հաշվին, այն դեպքում, երբ պետք է կատարվեր 2018թ. պետական բյուջեով արտասահմանյան գործուղումների համար նախատեսված միջոցների հաշվին: Այցի շրջանակներում չի պահպանվել նաև ՀՀ կառավարության 29.12.2005թ. թիվ 2335 որոշման համապատասխան պահանջները, ինչ հետևանքով օրապահիկի մասով 244.2 հազ. դրամի ավելի վճարում է կատարվել:

Արձանագրվել են նաև արտաբյուջետային միջոցների հաշվին կատարված ըստ էության ներկայացուցչական չհամարվող նաև այլ ծախսեր: Մասնավորապես՝

- Ռադիոէլեկտրոնիկայի բնագավառում համագործակցության զարգացման ուղղությամբ քննարկումներ անցկացնելու նպատակով 2017թ. մարտի 1-3-ը Երևան Ժամանած Ռուսաստանի Դաշնության պատվիրակության այցի շրջանակում տրամադրված 2 հատ համակարգիչը և 3 հատ հեռախոսը (ընդհանուր 693.0 հազ. դրամ) պարզվել է, որ ձեռք է բերվել վերոնշյալ քննարկումները ավարտելուց 35 օր հետո՝ 2017թ. ապրիլի 7-ին և ելքագրվել պահեստից ապրիլի 12-ին: Ընդ որում, ՀՀ կառավարության 13.03.2017թ. թիվ 243-Ա որոշման համաձայն, պատվիրակության այցի կազմակերպման ծախսերը՝ 664.5 հազ. դրամի սահմաններում նախատեսված է եղել կատարել 2017թ. պետական բյուջեով արտասահմանյան պատվիրակությունների ընդունելության համար նախատեսված միջոցների հաշվին՝ համաձայն նախարարության ներկայացրած հաշվետվության:

- 2017թ. հուլիսի 19-ին ԱՄԷ Արու Դաբի քաղաքում կայացած ցուցահանդեսին Հայաստանը պատշաճ ներկայացնելու նպատակով որպես ցուցանմուշ ուղարկվել է 2 հատ հայկական արտադրության 282.0 հազ. դրամ արժողությամբ հեռախոս: Ցուցահանդեսի ավարտից հետո հեռախոսները պահեստ ետ վերադարձնելու փոխարեն, ձևակերպվել է ծախս և ելքագրվել է:
- Նախարարությունը 2017թ. ձեռք է բերել 1,353.0 հազ.դրամի 11 հատ հեռախոս, այն դեպքում, երբ տարեսկզբին ունեցել է 2,387.0 հազ. դրամի 17 հատ հեռախոս: Տարբեր արժեքներով ձեռք բերված հեռախոսները պահեստ են մուտքագրվել նույն, և հատկապես նվազագույն արժեքով: 2017-2018թթ. 2,121.0 հազ.դրամի 16 հատ հեռախոս պահեստից ելքագրվել է արտասահմանյան գործուղումներ մեկնելու ժամանակ, այն դեպքում երբ դրանց վերաբերյալ համապատասխան որոշումներում նշվել է, որ գործուղման հետ կապված բոլոր ծախսերը կատարել պետական բյուջեով արտասահմանյան պաշտոնական գործուղումների համար նախատեսված միջոցների հաշվին: Հեռախոսները հիմնականում ելքագրվել են գործուղումներից ետ վերադառնալուց հետո:
- 2017թ. ձեռք է բերվել 2,150.0 հազ. դրամի 9 ձեռագործ գորգ, որից 4 հատը 1,550.0 հազ. դրամի 6.38 քմ բամբակյա հենքով և 5 հատը 600.0 հազ. դրամի՝ 2.76 քմ ոչ բամբակյա հենքով ձեռագործ գորգեր: Լիբանանի Հանրապետություն (2017թ. հոկտեմբերի 25-28-ը) և Սիրիայի Արաբական Հանրապետություն (2017թ. հոկտեմբերի 29-31-ը) նախարարի գլխավորած պատվիրակության գործուղումների շրջանակներում բարձրաստիճան պաշտոնատար անձանց նվերներ հանձնելու նպատակով պահեստից ելքագրված ապրանքների ցանկում գորգեր և հեռախոսներ չեն եղել: Սակայն, հաշվեքննությամբ պարզվել է, որ 26.10.2017թ., երբ նախարարը արդեն Լիբանանի Հանրապետությունում էր, պահեստից ելքագրվել է 3 հատ հեռախոս և 4 հատ բամբակյա հենքով գորգ, իսկ արդեն պատվիրակության վերադարձից հետո, նույն նպատակով, 02.11.2017թ. պահեստից ելքագրվել է նաև ոչ բամբակյա հենքով 5 հատ ձեռագործ գորգը:

Արտերկրից ժամանած հյուրերի հյուրասիրությունների համար կատարված ծախսը հիմնավորող փաստաթղթերի հաշվեքննությունից պարզվել է, որ չի պահպանվել ՀՀ կառավարության 10.09.2009թ. թիվ 1036-Ն որոշման համապատասխան պահանջները, իսկ ծառայություն մատուցող կազմակերպությունների կողմից ներկայացված հաշիվ ապրանքագրերը թերի լրացված լինելու (բացակայել է մասնակիցների թիվը, ճաշացանկը, գները և այլն) հետևանքով, հաճախ դժվարություններ է առաջացել այդ նպատակով կատարված ծախսերի արժանահավատությունը գնահատելու համար: Այսպես՝

- 2017թ. ապրիլի 21-ին մի խումբ ներդրողների ընդունելությունը կազմակերպելու ժամանակ (պաշտոնական ճաշ և շուրջայց-համտես Երևանի կոնյակի գործարան), վերոնշյալ որոշման պահանջները չպահպանելու հետևանքով, կատարվել է 223.9

հազ. դրամի ավելի վճարում (սննդի գծով՝ 188.9 հազ. դրամ, մշակութային միջոցառման գծով 35.0 հազ. դրամ):

- 2017թ. մայիսի 31-ին Ղազախստանի Հանրապետության ներդրումների և զարգացման նախարարության և «Kazakh Invest» Ազգային ընկերություն» ԲԲԸ-ի պատվիրակության ընդունելության շրջանակներում կատարվել է 101.1 հազ. դրամի ավելի վճարում:
- 2017թ. հուլիսի 16-19-ը Չիանաստանի ժողովրդական հանրապետության պատվիրակության ընդունելության շրջանակներում (ճաշ և մշակութային միջոցառում) կատարվել է 557.2 հազ. դրամի ավելի վճարում (սննդի գծով՝ 121.2 հազ. դրամ, մշակութային միջոցառման գծով 436.0 հազ. դրամ):
- 2017թ. սեպտեմբերի 28-ին ԵՄ և Արևելյան գործընկերության անդամ-երկրների ներկայացուցիչների («Թվային հմտությունների գծով աշխատանքային խմբի» 2-րդ հանդիպում) համար կազմակերպված հանդիսավոր ընթրիքի համար կատարվել է 93.3 հազ. դրամի ավելի վճարում:
- 2017թ. սեպտեմբերի 24-ին նանտեխնոլոգիաների ոլորտում հայ-իրանական համատեղ համաժողովի շրջանակներում կազմակերպված հանդիսավոր ընթրիքի համար կատարվել է 82.4 հազ. դրամի ավելի վճարում:
- 2017թ. հոկտեմբերի 26-27-ը «Էլեկտրոնային տեղեկատվություն գրադարանների համար» միջոցառման շրջանակներում կազմակերպված հյուրասիրության համար կատարվել է 51.5 հազ. դրամի ավելի վճարում: Ընդ որում, միջոցառման վերաբերյալ զեկուցագիրը ներկայացվել է 2017թ. նոյեմբերի 24-ին՝ շուրջ մեկ ամիս անց:
- 2018թ. մայիսի 11-12-ը Եվրասիական տնտեսական միության անդամ պետությունների դրոշմակնիքների փոխադարձ ճանաչելիության հիմնարար մոտեցումներին նվիրված քննարկումների շրջանակներում կազմակերպված հյուրասիրությունների համար կատարվել է 142.1 հազ. դրամի ավելի վճարում:

ՀՀ կառավարության

10.09.2009թ. թիվ 1036-Ն

որոշման համապատասխան

պահանջները չպահպանելու

հետևանքով կատարվել է 1,251.5

հազ. դրամի ավելի վճարում:

Այսպիսով, նախարարությունը՝ չունենալով արտաբյուջետային միջոցների հաշվին նման ծախսեր կատարելու իրավասություն, այնուամենայնիվ կատարել է՝ չպահպանելով օրենսդրության պահանջները, ինչի հետևանքով 2017-2018թթ. կատարել է 1,251.5

հազ. դրամի ավելի վճարում: Ընդ որում չի պահպանել նաև ՀՀ կառավարության 10.09.2009թ. թիվ 1036-Ն որոշման 2-րդ կետի պահանջը՝ պատվիրակությունների ժամանումից 10 օր առաջ ՀՀ վարչապետի հաստատմանը չի ներկայացվել պաշտոնական պատվիրակությունների ընդունելության վերաբերյալ համապատասխան որոշման նախագծերը:

2017-2018թթ. «Ներկայացուցչական ծախսեր» հոդվածով յուրաքանչյուր տարվա համար պետական բյուջեով նախատեսվել է 1,500.0 հազ.դրամ, 2018թ. կատարվել է հոդվածային վերաբաշխում, ինչի հետևանքով 1,314.5 հազ. դրամը տեղափոխվել է այլ ծախսային ուղղություն: Փաստացի ծախսը 2017թ. կազմել է՝ 1,251.1 հազ.դրամ, 2018թ.՝ 287.8 հազ. դրամ:

Հաշվեքննության ընթացքում արձանագրվել են որոշ անհամապատասխանություններ, կատարվել են ծախսեր, որոնք ըստ էության իրենց բնույթով ներկայացուցչական չեն կարող համարվել: Մասնավորապես՝ 2017-2018թթ. ձեռք է բերվել՝ 160.0 հազ. դրամի ծաղկեպսակ, Նոր տարվա տոնի առթիվ կազմակերպվել է 695.6 հազ.դրամի պաշտոնական ճաշի արարողություն:

2017թ. հունվարի 19-ին Ներդրումային նախագծերում մասնակցելու հնարավորությունների քննարկման նպատակով ներդրողների խմբի համար կազմակերպված ճաշի նպատակով վճարվել է 131.9 հազ. դրամ: Փաստաթղթերի ոչ արժանահավատ լինելու հետևանքով (ճաշի նպատակով գրված գեկուցագիրը մուտք է եղել 2017թ. մարտի 21-ին, հարկային հաշիվը դուրս է գրվել փետրվարի 6-ին) կատարվել է հաշվարկ, որի արդյունքում ավելի կատարված ծախսը կազմել՝ 43.9 հազ. դրամ:

2017-2018թթ. պետական բյուջեից «Տնտեսական հետազոտությունների կենտրոնի գործունեության» ծրագրի շրջանակներում նախարարությանը նախատեսվել է հատկացնել յուրաքանչյուր տարի 27,360.0 հազ. դրամ: Փաստացի ծախսը 2017թ. կազմել է 27,360.0 հազ. դրամ, իսկ 2018թ.՝ 21,617.34 հազ. դրամ, որն ամբողջությամբ

ուղղվել է աշխատավարձերի և հավելավճարների վճարմանը:

Հստակ չէ կենտրոնի գործունեության իրավական հիմքերը, քանի որ վերջինս չունի որևէ կազմակերպչական կարգավիճակ, կազմավորվել է 2015թ.բյուջետային հայտի հիման վրա, որից հետո գործունեության հետագա տարիներին չի սահմանվել կենտրոնի

Կենտրոնը չի ունեցել կազմակերպչական որևէ կարգավիճակ, չի սահմանվել աշխատանքային պարտականությունների շրջանակը, չի ունեցել հաշվետվողականության համակարգ:

կարգավիճակը, կառուցվածքը, հաստիքացուցակը և աշխատակիցների կարգավիճակը: Միաժամանակ, բացակայել է կենտրոնի հաշվետվողականության և կատարված աշխատանքի գնահատման մեխանիզմները, ինչը հնարավորություն չի տվել գնահատել վերջինիս գործունեության համար կատարված ծախսերի նպատակայնությունն ու արդյունավետությունը:

Հստակ մշակված աշխատանքային պարտականությունների և լիազորությունների բացակայության հետևանքով, կենտրոնի աշխատակիցները 2017-2018թթ. պարգևատրվել են 5,790.0 հազ. դրամով (որոշ դեպքերում պաշտոնային դրույքաչափի մինչև 300%-ի չափով):